



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 五六〇

知守齋詩初集六卷知守齋詩二集四卷知守齋詩別集一卷 鄭開禧撰

一

桂留山房詩集十二卷附詞集一卷 沈學淵撰

九七

寒香館詩鈔四卷寒香館文鈔八卷 賀熙齡撰

二四三

培花小園詩鈔十三卷 戴雲官撰

三八五

剖瓠存稿二十卷附樂府一卷左傳樂府一卷莆陽樂府一卷 蕭重撰

四九七

春華集二卷 龍元任撰

六九五

知守齋詩初集

序

夫荆玉開瑩析翳之光引焉淮玳騰淵瀾阿之曜讓焉山水高深琴師不待宣其指風雲寒燠畫聖無以言其絲蛾眉異態而同妍芳草殊名而共馨梅柳顯義可與言詩吾友鄭雲麓吏部思極深沉性簡嗜好心則九官之賦旭厯銳銀筆則千里之駒權奇倜儻餅盆鈴劍合以就鎔檀檼繫迷斫之必諦故其澄神靜慮假墨圖心萬象在旁一篇跳出陳芳之篆天貺靈符輪廖之藏神詮秘簡時而山鷄舞鏡時而香象渡河時而池塘草生時而亭臯葉下當夫吟肩山聳辯口河懸蓋不知饑寒之切身紛華之悅目也或謂昌黎贈別物以不平而鳴蘭成感時詞以悲哀爲主是以不有屈原豈見離騷欲擬少陵須逢天寶今雲麓家承華臚職處清通倫紀之樂多跋涉之勞少無乃集專於閒適言拙於歡愉乎不知論樂者重疏越之音稱詩者賞訐謔之句文園奏賦不取山澤之臞彭國繪圖極意樓臺之壯故知治世之音安以樂詩人之賦麗以則觀睢渙而悟文章讀華嚴而知富貴庸必輟大官之膳甘嚼空齏厭廣樂之聲別耽挽唱哉夫主眞質者羌無故實而有濟水之譏矜妙悟者盡得風流而有繫風之喻隸僻事則書麓撫奇觚

知守齋詩初集

郭序

一

則字林近學獻吉則麒麟遠步涪翁則江瑤柱習鈞
棘則舌人之譯字競調謔則佚女之爭憐雲麓盡杜旁
門獨尋正軌方之武事推昭廓清如其爲人小心精潔
又且年華方富祈嚮甚高立精進幢爲廣大主刻晉安
之末派拓品彙之藩籬能之必矣余曩者粗窺六義好
拈四聲歧中有歧旣嘆迷門於閭閻道其所道遂師焚
硯之君苗託交契於憐虻示新文而讀蛻學山不至望
洋徒嗟豈繫仙骨之能知蓋著佛頭而已妄爾丙戌長
至日愚兄莆田郭尙先拜序

知守齋詩初集

郭序

二

序

古人云作詩用事如水中著鹽乃知鹽味夫詩蘊養於
書卷之中超逸於書卷之外自抒胸臆以寫一己之性
靈始爲真詩始足以動人而感人乃近之爲詩者先分
唐宋後論家數一字一句模範而成抑知人各有性情
何爲舍己而從人耶人各有所長何爲執一格以相繩
耶余嘗與友人論詩五古貴平淡當師韋柳五律貴高
曠當法王孟五絕則摩詰擅長七絕則龍標獨步七古
則太白縱橫變化七律則玉谿徘徊纏綿至工部各體
皆備詩之有杜如文之有韓皆砥柱中流者善學者當
知守齋詩初集

王序

一

諸家之長以陶詠其性情莫爲屈步之蟲尋條而失枝
也雲麓同年好古工書而詩名尤著悔存聞鷄吹劍等
集或綺麗芊眠奏雲和之瑟或瑰奇譎詭擅萬石之鐘
至思荔嗽荔二集格老氣蒼詩境益進緡閱一週殆如
入五都之市雲精燭銀瑤瑤瓊瑰雜陳其間此豈拘於
方隅以爲詩者歟或者曰畫眉小草體豈不近於襲乎
余竊謂牧之風流冬郎才思不失爲正人君子况杜陵
有雲鬢之篇昌黎有金釵之句然後知廣平梅花無礙
腸如鐵石矣情之所鍾正在我輩何必貌爲道學哉雲
麓與余同齒同榜同官考功性淡泊而嗜吟詩又與余

同將所謂不拘一格以自寫其性靈者微雲麓無以發
吾之狂言道光丙戌重陽前二日年愚弟諸城王瑋慶
拜題於京邸之蕉葉山房

知守齋詩初集

王序

二

序

考功於天官爲左曹自古多言詩之士唐之錢起與劉
文房並著明之高叔嗣與徐昌穀同稱此皆卓有千古
者也餘亦代不乏人不乏可傳之作 國朝風雅聿
興名賢接踵王西樵濬源於前程魚門振響於後凡官
斯曹者將各叩寂求音有所著述以自見挹奎不佞每
欲網羅舊聞輯爲考功詩譜耿耿私心數年於茲矣同
年龍溪鄭雲麓與挹奎同官尤喜言詩挹奎因得與唱
酬雲麓不以挹奎爲鄙出其詩稿商榷存今所梓畫眉
吹劍等集是也其云思荔嗽荔二集則雲麓請假回閩
知守齋詩初集 潘序

潘序

一

既沫之餘若雲麓者抗手蘇門且不難子魚純甫何論
哉或挹奎不虛所願他日考功詩譜有成不必以仲文
始然必以雲麓終雲麓其勉之矣道光六年歲在丙戌
八月望後年侍生潘挹奎拜序

知守齋詩初集

潘序

序

昔明林子羽膳部稱詩於吾閩同時倡和者凡九人世
目爲閩中十子或謂爲閩派入國朝則許鍊堂歐香
黃莘田李懋國薩檀河伊墨卿前後各以詩鳴皆能自
闢涂徑而所謂閩派者不得以病之矣余生諸君子後
既不及見顧嘗以爲詩之至也原本風騷歌泣神鬼洩
宣萬類之情震蕩一世之氣若此者諸君子猶有未逮
焉豈變而益上遂無其人邪夫以武夷玉華漁梁霍童
太姥重巖遂洞之勝復環以汪洋大海歷數千百年之
久迺無一人秉山水瑰奇之氣以盡發之於詩以雄視
知守齋詩初集 張序

天下何也龍溪鄭雲麓先生曰子之言過也詩之傳者
亦以其真而已子見汪洋大海不能謂天下之水盡於
海一谿一壑或樂其幽窮焉其濁而爲河清而爲濟險
而爲呂梁漚而爲洞庭彭蠡固不如海之大也然而天
下之人揚颿狎浪每爲之咨嗟歎美而去觀水如是而
詩可知矣夫古詩之至者誠如海而諸君子者豈僅自
有谿壑哉子惡知不有咨嗟歎美者在天下邪余心折
其言先生因出其詩示余大抵經以才氣緯以華藻不
廢風格而不爲摹仿視諸君子涂徑又一變焉殆欲爲
其真而可傳者與先生幼席素豐弱冠成進士官於吏

部爲郎無饑寒困苦之累無簿書奔走之勞蓋天之所
以成其才者厚矣而先生益好學不倦自視常若不足
年方四十詩之工已如此其進奚可量也余自成童好
爲詩行將三十矣家貧母老屢游廢學雖皇然慕爲其
至者而憂患之餘所著不如先生遠甚豈天不欲厚其
成邪抑吾閩山水瑰奇之氣或將於先生詩盡發之余
固可以無憾邪今先生梓其詩既成屬爲序故述其相
與論詩之旨及於所遇之異蓋深懼余之無成恐世且
不能論列之於十子後也道光丙戌秋八月旣望建寧
愚弟張際亮拜撰

知守齋詩初集

張序

畫眉草序

欲求快登簫聲鶴上之人如披異書錦段花間之集蓋
雲麓銓部湖海詩星嫺嫺仙侶託溫柔之宅性情愈深
汎靈寔之洲語言轉妙我嘗讀其畫眉小草一冊而知
又手玉臺擺頭鏡檻洵極閨房之樂呈蘊藉之姿也已
想當天東日出蟾子今朝舍北酒闌索郎昨日檀奴年
少琴客才多一月入懷萬花競舞或背夫容而紅笑或
倚修竹而綠驕釧響釵搖盡是司勳吟料象穿犀帖無
非主簿詩情藻瀟泉飛騷杆風纖千卿何事忍俊不禁
旣而燕喃漸熟鶯囀都靈門外雙聲小婢慧如春草尊
知守齋詩初集

張序

前一訊夫人妙說梅花山妻欣漉酒而來郎伯正聳肩
而立斯時也習聞軟語大有仙心足了一生焉知許事
盤龍鏡下密葉供其裁牋睡鴨爐邊酥花暢其落魄沈
約轉憐體瘦顧燈偏嗜吟癡有時敲破銅餅漏三商而
未己不覺踏翻醋甕婦一呼而卽還團團笑認鼻之聲
昵昵學蒙頭之睡此情此景斯詠斯陶我方口吻生花
行且喚之不應矣况乎月正初三節交上九橘園大好
掃榻都清快雪最佳烹茶亦韻送女兒之酒鬱鬱登門
澆名士之胸堂堂奏雅雅閑關謝客此會何啻消寒呼婢
挑燈所樂劇於呵凍不是吳中布代定有別陽除非天

壤王郎了無深致是以陳思古意間得於蘭房漢武秋風每成於金屋蓋居不幽思不至於詩家忌焉而琴瑟離瑟言纏彼心手調矣則循覽是編其勿謂商隱崑關之辭韓偓香奩之體綺語汰之曼聲削之斯楚雨皆雲國風亦正矣向嘲秦贅夙耽越吟記曾社結鴛鴦亦復房鳴蟋蟀每以珊瑚獨架恨徐陵未有知音茲看袍襖重鈔喜庾信真堪合稿休嫌脂粉詩人命本屬花且索箋茅詞客香能拾草所妬三公九錫今又添塵尾續車試看一曲千金請共賭旗亭畫壁嘉慶戊寅小春東嘉愚弟林從炯拜序於京寓之種香書屋

知守齋詩初集

林序

二

知守齋詩初集

龍溪 鄭開禮 進

卷一

勵志詩 癸亥

義取無停輪陰陽互昏曉志士惜日景不敢棄分秒青卷汗千牛望洋驚浩淼譬如人苦饑一粒那可飽來日誠已多去日亦不少奈何忽居諸草木同枯槁

大道在六經不可須臾離諸子與百家危言至理寓沿波及史傳紀載亦云備讀書夫何爲所貴明其義口誦孔孟言身行蹈躡事縱讀萬卷書何如不識字

知守齋詩初集

卷一

微禽尙求友出谷鳴嚶嚶豈人不如鳥而不慶得朋所慕道義交患難如弟兄所戒勢利交凶隙殊平生擇交在慎始古誼無世情善交而久敬吾師齊晏嬰人心有四端己具羞惡理富貴如可求執鞭良足鄙不憚惡木陰不飲盜泉水矯激豈過情所重在廉恥何爲附炎熱不自飭簞簋但顧炙人手誰知冷人齒

舟行出鎮門

迤邐輕桃蕩遠空布帆無恙夕陽紅兩旁山東波皆立一片風掀船却東鶴嶺地形臨岸斷海門潮勢入秋雄年來空有乘槎興目極前津巨戰艦時海賊跳梁福河方造戰艦

家拔卿

士端

茂才被累入獄非其罪也寄之以詩

銀鐐爰書竟不寬覆盆思見日光難如今幸有公評在

論定無須到蓋棺

時入學諸生向學使白君之寬而獄已具不可解矣

南溪道中

斗大孤城俯碧流南溪雨過北溪秋漁舟向晚歸何處

甘蔗洲連白鷺洲

平川如掌未通潮烟鎖新橋與舊橋十里稻花香不斷

夕陽多處水田遙

東尾市

墟里上炊烟潮平客艤船水樓紅樹外人語夕陽邊魚

知守齋詩初集

卷一

二

蟬散晨市稻花香早田小山餘廢壘猶憶戰爭年

白梅次陳熙臺

際春

孝廉韻

甲子

疎影橫斜出短牆漫漫一氣水痕長隔溪但覺花如雪

入夜偏疑月有香祇我獨能憐瘦骨於人原不競濃妝

勝遊盡日成孤往每遇茅亭輒引觴

沙溪

行盡沙溪道芒鞋半古苔每於無路處又出一村來市

火明山缺炊煙暗水隈荒村無好酒懷抱向誰開

閩忠懿王廟

悍鎮強藩竟滅唐終持臣節獨三郎閩川亦是中原地

天使曾封異姓王半壁河山開霸業再傳茅土失巖疆
行人莫問興亡事拜罷豐碑弔夕陽

小西湖

在福州西門外即水晶宮故址

樂遊唱徹霸圖空千載遊人入畫中柔櫓一聲菰葉雨

小亭四面藕花風煙波遠挾城樓動翠嶺遙連苑道通

欲問當年歌舞地不知何處水晶宮

南臺雜詩

試向風前唱竹枝榕城何處最相思城南十里臺江路

斷盡客腸知不知

偶逢過雨長新潮移泊三通舊板橋好是夜闌人語靜

知守齋詩初集

卷一

三

一江明月萬枝簫

送客江頭酒一樽倚書廟口日黃昏莫嫌殘酒污襟上

畱取他年認舊痕

越王臺下陳水嬉越王臺上雨如絲江樓十里珠簾捲

誰是三生杜牧之

得陳熙臺書却寄

乙丑

開函如見陳驚座滿紙淋漓溼墨痕聞道窮經方注鄭

祇今能事必推袁種花已覺春盈室載酒應多客叩門

前輩風流近銷歇非君誰與繼江園

陳鐵崖先生別業名江園

除日

爆竹初聞出比隣，驚心歲月轉如輪。一年又逐鷄聲盡，
廿載平添馬齒新。寄酒斟來無算爵，唐花開足十分春。
人生此日須當醉，況是團圓笑語親。

春日遊開元寺贈衍慶上人

丙寅

獨居常厭市塵氛，偶向城西欵白雲。乍聽鐘聲知日午，
忽看花事已春分。石幢字有神靈護，寺有唐咸通年間
參軍王嗣造塔自
好經藏書餘劫火，焚禮罷空王。跌座久上方，風度妙香

閣

半山泉水冷如冰，東冷泉在開元寺後知與紅塵隔幾層。未盡名

心亦情，佛會消清福。是詩僧酒懷我自慚，中戶禪悅君

知守齋詩初集

卷一

四

無愧小乘一事，更須堅願力。鄭箋錢板幾時能，上人藏
家博雲

詩最多欲
什割副

曉起

曉起輕寒透碧紗，雨絲陣陣逐風斜。圓丁不解春歸去，
報道今朝有落花。

夜讀

秋涼不成寐，燈火讀書聲。檐際雨初歇，天邊星自明。疏
鐘來遠寺，寒柝出孤城。何事偏相擾，隣鷄報五更。

至塘北村看菊買數十本而歸

城南十里踏霜華，看菊來過野老家。佳色獨從籬落見，

好枝宜上帽檐斜。客能送酒方爲韻，人到無言始稱花。
攜得餘香共歸去，不愁紙帳夢魂賒。

食新芥

一畦新芥染霜紅，入口居然似晚菘。莫厭餘根滋味薄，
菜堂原是舊家風。先高祖季瑛先生教授里中暇日手
自種菜至今余所居室里人猶呼爲
菜堂也

戲題楊石鄰齋頭畫

子雲著書居一室，四壁常掛名人筆。就中美人圖最佳，
周昉屏風或可匹。君之二童頗頑嬉，大者狡黠小者癡。
却嫌美人少英氣，濃泚墨汁添須髭。我昔訪君常寓目，

知守齋詩初集

卷一

五

自是司空見最熟，乍看此髯驚致詢。滿堂大笑皆捧腹，
主人呼童取火來，欲令頃刻成灰余曰：無庸姑且止。
此事古有非，詎諸君不見龐娥古孝女？首如霜，幾寸
許都亭報父仇，殺人如殺鼠，又不見木蘭替爺征。鸞
響作霹靂聲，縛敵獻天子，忠孝垂令名。閨中英雄自千
古，二十三史難悉數。靈淑由來鍾婦人，男兒醒寢真僧
父。仲達甘受巾，帽遺褚淵如戟徒，須眉幾疑大造太狡。
偷顛倒，播弄雄與雌。兒童涉筆既有以，拭目細看驚復
喜。從君借去重臨摹，此是魏公嫵媚圖。

簫聲

十月初驚寒氣新簫聲吹徹十分春攜歸玉杵經千搗
待借天錢過萬緡未必不疑羅隱陋料應早識仲卿貧
鷄鳴戒旦思賢婦白髮高堂有老親

出廳俗謂廳見
爲出廳

明畫列華燭畫堂生曉春羹湯初出手粉妝尙隨身呵
下尸蕝藻階前贊栗榛先姑獨不見拜罷淚沾巾

呈吳石渠騰姊聲

終日渾無事城居亦絕塵睡宜書卷引寒與酒杯親
態貧逾薄交情賤尙真知君負奇骨竈熱肯因人

送何氏妹

知守齋詩初集

卷一

六

阿妹年十七今朝有遠行亦知歡喜酒不及別離情少
小違慈母提攜愧寡兄勉遵詩禮教里黨說賢聲

執扇詞

執扇圓復圓明月當中天執扇薄復薄微翼脫秋蟬憶
昔初繡成珍重不曾試殷勤持贈耶問儂果何意願如
執扇圓勿如執扇薄不惜千金軀百年重相託

寄十二弟從甫嶺典

世事紛紛任楚枯寂然吾自見真吾門無租吏詩容就
婦有金釵酒易沽覆鹿祇今成幻夢屠龍况是失良圖
便思學圃君休笑却與侯門鼓瑟殊

廿年空負此身軀局促慙如轅下駒已分詩篇供覆瓿
誰憐面目似監廚世間諸葛真名士天下高陽有酒徒
遙憶村居多逸事錦囊終日付奚奴

從甫和詩到壘前韻却寄

閉門跌坐似禪枯盡日周旋我與吾十載守癡無用論
多年待價不輕沽滿庭花自成知己入戶山如染畫圖
自是雲夫有狂氣酸鹹嗜好與人殊

自向人間託眇軀等閒送却隙中駒空將事業存三徑
豈有聲名似八廚世上金多能結客古來清至轉無徒
心頭塵事銷除盡擬把頭銜署橘奴

知守齋詩初集

卷一

七

買硯爲田硯欲枯無才那得不愁吾百金駿骨有誰市
平日香醪何處沽孰解交情存久諾要知文字亦迂圖
老兵僉父隨人喚入世真慚俯仰殊

拔劍狂歌膽滿軀士衡有弟是龍駒撐腸不少書千卷
過眼曾看畫一廚汝水社中新月旦扶風帳下舊門徒
幾番重憶前頭事聽雨聽西共燭奴

遊南山寺

古利南城外山林一帶賒逕堆紅葉冷碑臥綠苔斜寺
破無遊屐僧貧只賣花蒼涼獨憑眺還與數歸鴉
除日感懷

故態尙依然關心又一年歲華增馬齒骨相負爲肩計

拙謀薪水家貧守舊瓊萊衣重檢點明日拜堂前

寸草年年綠春暉未報恩一衿成底事千載那堪論伏

櫪眞悲曠投林忍學猿況多風木恨早歲折靈萱

眼天難補誰云石可鞭無才應自廢入世少人憐凝

宵閒居樂難祛塵俗緣生吾果何意搔首一茫然

風雪閉天地局屏如避遁靜觀蠻觸鬪從任馬牛呼春

云何詩思梅清入畫圖一年餘此日醉矣且傾壺

知守齋詩初集

卷一

八

知守齋詩初集

龍溪 鄭開禧 迪卿

卷二

何氏園雜詠 丁卯

秋水潭

秋水清無塵空潭愈幽靜堤上有人行照見支筇影

友蘭室

九畹宜招隱陶公此結隣焚香日無事宴見素心人

聽松榻

松影落吾榻松風清我心空山秋夢覺時聽老龍吟

知守齋詩初集

卷二

招涼館

無處着紅塵人在幽篁裏聽盡午鳩啼枕簟涼於水

修竹徑

誰編六枳籬護此千竿玉四顧寂無言鳥聲在深綠

聞鐘室

經卷與繩牀方丈維摩室靜夜鐘聲來碧空月初出

紀別三首

我生少行役出門多苦辛鷄鳴起說駕僕馬行僂僂登
堂拜老父百緒難具陳父曰嗟予子但去勿遽巡人生
志遠大胡必如婦人勉強起就道淚拭仍沾巾

伯兄坐我前弱弟坐我下別酒不入唇送我至於野同
氣本無多中情更難捨臨歧手以分掩淚各如寫天倫
信足樂富貴胡爲者暫當早歸來共乘欸段馬

我有糟糠婦去冬始我歸聞我有遠行喜我羞低眉翻
我舊時篋爲我綴征衣臨行送我出欲語聲已希恐或
亂我懷含涕不敢揮僕夫催我行去矣還依依

三忠祠

草木蕭蕭不當春古祠瞻拜黯傷神君臣生死憑天步
表裏山河問水濱航海難存孤六尺殺身如見古三仁
行人下馬空回首何處清溪薦白蘋

知守齋詩初集

卷二

洛陽橋

長虹橫亘海門腰萬里銀濤拍岸消記得三年前過此
一天風雨正迎潮

洛陽橋竹枝辭

十五輕盈窈窕娘蓬頭赤腳儉梳妝晚來喜得寒潮退
爭駕扁舟斫蠣房

曉發

曉發楓亭路月痕猶在林雞聲催短夢驢背續殘吟吹
面山風冷迎人水氣沈客愁應自遣遙慰老親心

興化道中

客行天欲暮郡邑夕陽西城帶平流淺山圖畫堞低家
家荔子熟處處郭公啼明日涵江路春風送馬蹄

自題柳堤習射圖

生不作游俠兒亦不作刀筆吏千金駿馬青絲轡綠柳
堤前聊作戲彎弓響作霹靂聲天半紛紛落鷹鷂男兒
初生志四方桑弧蓬矢射天地胡爲低頭挾殘編區區
守此羣癩智雕蟲壯夫所不爲矚下沈淪亦何意君不
比班超亦是一書生後來投筆還請纓

除夕

卽物類催歲又新年年此夕嘆勞薪無詩可祭才疑盡
知守齋詩初集 卷二
有酒堪斟家未貧漫說情多難學佛只慙臣壯不如人
劍光燭影心猶熱誰信風塵老此身

蘭 戊辰

空谷無塵跡蘭花伴獨吟佳人原絕世大雅少知音入
室聞香氣卜隣成素心衷衷欲相贈一爲鼓瑤琴

海棠

銀燭高烧夜未央捲簾貪看闌新妝祇緣睡美疑無骨
爲惜春深未敢香

姊妹花

牆角花開婀娜枝可憐剛及豔陽時含情似與春風笑

脈脈無言各自知

小圃

小圃看春日幾回倦思小坐藉蒼苔野花似識幽人意
故送香風對面來

上先祖墓 己巳

墓祭雖非古藉伸追遠情薦新陳麥飯從嗜設菹羹宰
木已成拱山花多不名薄田隣丙舍慙愧未能耕

上先慈墓

山風挾木動烏鳥隔林鳴感物肝腸斷思親涕淚傾衣
無慈母線食尙小人羹寸草恩難報惟應勉令名

知守齋詩初集

卷二

四

烈婦行

烈婦鄭金娘同安之鷺門人家同里郭畧南六日署操舟入海爲賊所掠共言已死金娘聞之自縊余悲之爲作烈婦行

慘慘嚴霜夜淒淒孤雁鳴雄者旣已死雌者不獨生解

有一女子裙布釵荆作婦才六日間夫有遠行解操舟
是夫素行矣敢以妾故但聞鼠子跳梁滿路夫去誰保

護三夫恩雖六日妾義當百年忽聞夫命隕黃泉心摧

膽裂匍匐不能前解落日出門夫君不歸夫魂倘歸妾

身何依解五夫無耶娘妾存誰養夫無兒女妾生何望解

父母謂女少緩須與女曰噫嘻兒生與郎偶兒死與郎

俱解不作望夫石願爲填海鳥往訴蒼穹速殲羣小吁

嗟乎羣小滅有時妾恨何日了解八

義夫行

烈婦既死事聞海中時郭畧爲賊所禁固未死賊感其婦義縱之去畧歸念婦不已乞其兄爲立後徧辭族人自投水死亦義夫也復爲作義夫行

鷺門有義夫少年羞株守娶婦未旬日操舟事奔走豈
意風波生墜入荏苒手新婦遂捐軀鸞鏡嗟中剖義夫
故未死脫然離虎口入門風悲淒血淚可量斗生還爲
婦義不然死已久再拜告阿兄乞兄傳我後我婦爲我
死我心何忍負言畢出門去深淵痛濡首本是婦死夫
翻令夫殉婦嗟哉婦與夫千載同不朽

豆腐

知守齋詩初集

卷二

五

至味原無味雖云腐亦奇雪花剛上椀乳汁欲流匙未
覺貧家乏偏于儒素宜有田應種豆一飯不忘之

老馬

馬齒今加長當年最絕倫心猶思舊主力早盡邊塵絕
域途能記殊方國已賓功成原許老終望微帷仁

松棚

艸屋小如舫松棚低擁屏滿庭新粒碎一帶綠陰圓月
暗疑釵墮天涼誤鶴歸還如三徑裏蒼翠冷人衣

虎渡橋

江繞柳營東長橋跨遠空何年曾渡虎半壁訝飛虹晨

夕怒潮撼朔南王道同吾來讀遺記嘆息想神工
巖壘天設險扼隘駕龍壘百尺眠層浪千年障巨波
今無牧馬此地舊揮戈斥候宜加意行人日孔多

聞海寇受撫志喜

大將旌旗駐海邊橫空百萬盡樓船久開狹免營三窟
何幸妖蜮落九天絕島自來通市舶巖疆從此靜烽烟
降幡一片今纔樹臺爾憑陵已十年

射影含沙類孔多憑誰一爲盪妖魔天心不殺非無武
海水狂飛枉自波憶昨三軍齊帶甲於今羣醜競投戈
游魂散盡長鯨曝鏡咏連營聽凱歌

知守齋詩初集

卷二

六

嘆息家園近海疆頻年長自苦披猖誰令苞孽如滋蔓
但說鷗鷺未破斯木狗卽無勞上將水犀久已鎮重洋
一朝掃盡機槍落始信

王綱有弛張

潢池盜弄亦何因傳檄年年渤海濱豈有鴻毛堪遇火
可憐螳臂欲當輪風波日暮思投息

天地恩寬許自新共識

聲靈能遠被兩階干羽格苗民

市有虎

辛未

市人譁言市有虎張口如盆腹如鼓誰令白額竟橫行

乃使蒼生齊叫苦猛然坐嘯揚風沙朝食一羊暮一羖
兄有城狐與社鼠或爲羽翼爲爪牙當街大道相馳逐
走入人家瞰人屋羊豕已盡猶耽耽思擇肥人果其腹
昔猶夜出今晝行公然攫人誰敢櫻八千戶口已凋瘁
可憐虎欲猶未盈太息窮虞號仁獸坐視殺人不一殺
嗚呼虎兮爾勿橫尚有麒麟在郊園

飲隣叟家書所見

獨居不出門偶出見隣叟邀我至其家老屋圍疏柳入
門驅犬雞移榻掃塵垢呼兒炊黍酌我以大斗謂我
顏未醺勸酌不絕口忽聞剝啄聲有吏如虎吼云自城
知守齋詩初集

卷二

七

中來縣官招飲酒探袖出一簡所記云某某從旁觀姓
名一一皆富有隣叟耕田夫聞言但疾首低辭向吏前
請吏爲援手吏言此官意何能置可否催翁出門行吏
罵其後我歸三嘆息念此悵然久因思古之人祝貧
子有取

送王蘭谷

道行

檢討歸三山兼寄令兄蘭輿

道新

明經

、向又見謫仙才太史文章有別裁一載春風開絳帳
暫時清侶下蓬萊無端秋色動鄉思恰值黃花入酒杯
料得萼華多逸興吟詩同上釣龍臺

積雨經旬春行盡矣愁悶無聊寄之於詩

壬申

入春強半是春陰鎮日烘鑪坐不禁裏足暫辭遊侶約
閉門孤負看花心當階草色侵簾綠別院苔痕繞徑深
二十四番將次畢番番頻與費清吟

九十春光過眼空東皇何事太匆匆鶯聲亦似愁飛絮
燕嘴時還見落紅對面山猶藏霧裡低頭人似坐舟中
何當掃却沉霾盡卷上重簾看斷虹

郊行

郊行聊適意不獨爲聽蛙驟雨聚遊展迴風搏落花老
桑陰覆屋深竹影連沙偶爾隣翁值相攜過酒家

知守齋詩初集

卷二

八

銅雀妓

睡起日初升閒將眉黛矜朝朝望新寵無暇泣西陵

題吳垂玉丈遺稿

文采風流在一家弟兄師友信非夸南州壇坫今零落
腸斷雲亭問字車

憶昔童年始學詩登高能賦漫相期

子始學詩卽蒙以
登高能賦見許

可憐故態依然在慚負先生一日知

初夏雨後夜坐

本不十分暑兼之微雨涼葛衣猶在篋竹簾未鋪牀
蛩吟溼螢無燄風清菱有香卷簾孤坐久缺月上東牆

苦雨

大風連日勁急雨似懸流澤國三溪水瓜廬一葉舟炊
烟隣舍斷芋種下田休極目平原上愁雲總未收

夏日村居卽事

僻處江村一事無松毛匝地綠平鋪午間展簾花陰坐
清却詩家幾日逋

峯螺無數出林端便倩荆關畫亦難喜是晚來新雨霽
夕陽添得好山看

箬笠隨肩水半篙藕花香裡釣琴高得魚不賣攜歸去
笑向山妻索濁醪

知守齋詩初集

卷二

九

晝日遲遲似小年南牕一枕正酣眠山童自應敲門客
問是來催舊酒錢

榕樹陰濃夏亦寒科頭盡日懶衣冠呼童汲取清溪水
自洗修篁十數竿

豆棚離落半欹斜自笑疎狂不作家除却飽餐高臥外
遣消長晝只鑒花

二米初收價不昂村莊六月稻秔香小齋亦有忙時候

日課園丁辦鶴糧

輕風漸漸入梧楸暑氣依然未肯收向晚乘涼扶步出
綠陰深處聽呼牛